

ՀԱՍՏԱՍԿԱՆ ՆՈՐՈՅԹՆԵՐ ԼԵՌՆԱՅԻՆ ՂԱՐԱԲԱՂՈՒՄ

Հնագիտական հուշարձաններով հարուստ Լեռնային Ղարաբաղը (պատմական Արցախը) Հայկական լեռնաշխարհի այն գավառներից է, որի հնագիտական հուշարձանները համեմատաբար քիչ են ուսումնասիրված: Դրանք գիտական աշխարհին հայտնի դարձան անցյալ դարի 90-ական թթ. սկսած: Այստեղ առաջին անգամ հետազոտություններ ու պեղումներ են կատարել Նուշվա ռեալական ուսումնարանի ուսուցիչ, գերմանացի էմիլ Ռեսլերը¹, Ռուսական կայսերական հնագիտական ընկերության անդամ Ա. Ա. Իվանովսկին², իսկ սովետական իշխանության տարիներին՝ Ս. Տեր-Ավետիսյանը³, պրոֆեսոր Ի. Ի. Մեշչանինովը⁴, Ի. Մ. Ջաֆարզադեն⁵, Ջ. Ալեքսանդրովիչ-Նասիֆին⁶, Յա. Ի. Հումելը⁷, Կ. Խ. Քուշնարևան⁸, Ն. Վ. Մինկևիչ-Մուստաֆաևան⁹ և ուրիշներ:

¹ Э. А. Реслер, Отчеты археологической комиссии за 1894—1898 гг. (архив Института истории материальной культуры АН СССР, ф. 1).

² А. А. Ивановский, По Закавказью, МАК, вып. VI, М., 1911.

³ С. Тер-Аветисян, Памятники древности Карабаха и скифская проблема, Тифлис, 1934.

⁴ И. И. Мещанинов, Краткие сведения о работах археологической экспедиции в НК и Нахкрай в 1926 г. Сообщения ГАИМК, М., 1927.

⁵ И. М. Джафарзаде, Ходжалинская экспедиция. Земляной курган № 5, «Известия» Аз. ФАН СССР, 1941, № 2.

⁶ Д. Ж. Александрович-Насыфы, Перечень и краткая характеристика курганов главного курганного поля около ст. Ходжалы, «Известия» Азкомстариса, вып. III, Баку, 1927.

⁷ Я. И. Гуммель, Раскопки в НКАО в 1938 году, «Известия» Аз. ФАН СССР, 1939, № 4.

⁸ К. Х. Кушнарєва, Культура Нагорного Карабаха по археологическим источникам (автореферат кандидатской диссертации), Л., 1951, նույնի՝ Некоторые памятники эпохи поздней бронзы в Нагорном Карабахе, СА, 1957, XXVII.

⁹ Н. В. Минкевич-Мустафеева,

Հարկ է նշել նաև, որ արդի ժամանակներում Ղարաբաղի հին շրջանի նյութական մշակույթի վերաբերյալ ուսումնասիրություններ կատարողները այս կամ այն կերպ անդրադառնում են Ռեսլերի և Հումելի պեղումներից հայտնաբերված առարկաներին, չընդգրկելով դաժբարաններից գտնված նոր նյութերը, որոնք ժամանակ առ ժամանակ ի հայտ են գալիս պատահականորեն:

Լեռնային Ղարաբաղը հատկապես հարուստ է ուշ բրոնզի և վաղ երկաթի դարաշրջանների մշակույթով: Դրանք առանձին դամբարաններ են և ընդարձակ դամբարանադաշտեր, որոնց մի փոքր մասն է գիտական աշխարհին հայտնի Բացի այդ, հուշարձանների մի զգալի մասը ենթարկվում է ժամանակի քայքայիչ ազդեցության և ոչնչանում է ամենատարբեր եղանակներով:

Վերջին տարիներս Ստեփանակերտի մոտ, շինարարական աշխատանքների ժամանակ, բացվել են երկու հնավայրեր, որտեղից գտնված առարկաները նման են 1939 թ. Յա. Ի. Հումելի կողմից Ստեփանակերտում հայտնաբերված նյութերին¹⁰: Դրանցից մեկը գտնվում է քաղաքի հյուսիսային շրջանում: Այստեղ բացվել է մոխրի հաստ շերտ, որի միջից անտաշ քարերի հետ միասին գտնվեց քարե սանդ իր սանդակով: Բե՛ սանդը, և թե՛ սանդակովը լավ հղկված են:


Մյուս հնավայրը դամբարան է: Այն բացվել է Ստեփանակերտի հյուսիս-արևելյան մասում: Այստեղ հայտնաբերվել են օբսիդիանե լավ մշակված մակերեսով շեղբ, ոսկրե գործիքներ, իլիկի գլխիկ, քարե սրածայր հղկիչ, սանդակով (երկուսն էլ սև գույնի որձաքարից) և միականթ կճուճ-խնոցի: Իլիկի գլխիկը ոսկրից է, որի կենտրոնում կա անցք՝ իլիկի պոչը ամրացնելու համար: Քարե սրածայր հղկիչը, որի երկարությունը 7 սմ է, հավանաբար օգտագործվել է առարկաներ հղկելու և քերելու համար: Միականթ խնոցին գորշագույն է. նստուկը՝ հարթ, իրանը՝ ուռուցիկ: Իրանի ուսերը զարդարված են հորիզոնական և ալիքաձև ակոսներով: Պարանո-

Ходжалы-Кедабекская археологическая культура (автореферат кандидатской диссертации), Баку, 1961.


¹⁰ Я. И. Гуммель, Отчет обкома КП НКАО в 1941 году. Машинопись, фонд ГИКМ НКАО (Гос. историко-краеведческий музей), дело № 5, էջ 9:




Աղյուսակ I



Աղյուսակ II



Աղյուսակ III



Աղյուսակ IV

ցի վրա առկա են փայլեցման եղանակով արված աղեղնաձև գծեր: Կանթի ձախ կողմում կա խնոցիներին բնորոշ մի անցք:

Նշված հնավայրերից հայտնաբերված առարկաները պատկանում են մ. թ. ա. XI—X դարերին՝ բրոնզե դարի ուշ ժամանակաշրջանին:

Նախնադարյան մշակույթի հնավայրերից մեկն էլ գտնվում է Մարդակերտի շրջանի «Մեհմանայի թմբեր» (Մեհմանա գյուղի մոտ) կոչվող տեղամասում, որը ծածկված է հսկա ծառերով: Անտառամասի հյուսիս-արևելյան հատվածում, գետնի մակերեսի վրա առկա են շուրջ 30 դամբարաններ: Տարիներ առաջ անհայտ շարագործներ ավերել են դամբարաններից մեկը: 1967 թ. դամբարանադաշտի նյութական մշակույթի նմուշների էությունը պարզելու, Ստեփանակերտի թանգարանը հարստացնելու նպատակով մենք բացեցինք մի գերեզման, ուր մարդու աճյունն ամփոփված էր քարերից շարված ձվաձև դամբարանափոսի մեջ: Ննջեցյալի մնացորդների հետ դամբարանում գտնվեցին մի քանի առարկաներ (աղ. I): Ոտքերի մոտ դրված էր սև գույնի լավ թրծված միականթ կճուճ, որի նստուկը ուռուցիկ է, բերանը և պարանոցը՝ նեղ, անդարդ, բարձրությունը 30 սմ է (աղ. I, նկ. 13): Գտնվել է նախշաղարդ գլխիկով բրոնզե երկսայր դաշույն: Դաշույնի երկարությունը 25 սմ է: Նրա երախակալի վերին ծայրում կա անցք՝ փայտե բռնակը գամելու համար, որին հագցրել են եռանկյունաղարդ նախշերով գլխիկը (աղ. I, նկ. 1, 3): Այդպիսի դաշույնները գրականության մեջ հայտնի են սևան-դարաբաղյան անվան տակ և հանդիպում են Հայաստանի ու Անդրկովկասի մ. թ. ա. II հազարամյակի վերջի և I հազարամյակի սկզբի նյութերում: Նույն դամբարանից հայտնաբերվել է նաև դանակաձև ելի, որի շեղբի մի կողմը սուր է, իսկ մյուսը՝ բութ: Շեղբի վրա կա երկու անցք: Այն ունեցել է փայտյա երկարավուն բռնակ, որը չի պահպանվել: Դանակաձև ելու շեղբի երկարությունը 12 սմ է, լայնությունը՝ 2 սմ (աղ. I, նկ. 2): Գտնվել է նաև բրոնզե դուր (աղ. I, նկ. 4), որի մի ծայրը սուր է և ամրացվել է փայտին, իսկ աշխատանքային մասը՝ տափակ: Ննջեցյալի հետ դամբարանում թաղվել են նաև սարդիոնի ուլունքներ և նետասլաքներ: Առանձնապես ուշագրավ են օբսիդիանից և կալծքարից պատրաստված եռանկյունաձև ու նշաձև նետասլաքները, որոնց մակերեսները նորը ունենում են, չեն 4—7 սմ երկարություն (աղ. I, նկ. 7—12): Նետասլաքերը ստորին մասում ունեն խոր փորվածքներ՝ փայտին ամրացնելու համար: Նման նետասլաքներ լավ հայտնի են ուշ բրոնզի և վաղ երկաթի դարաշրջանների հուշարձաններից՝

Լճաշենից, Շամշադինից, Գուլիստանից¹¹, Գետաբեկից¹², Մակարաշենից և այլ վայրերից: Մեհմանայի դամբարանից հայտնաբերված առարկաները իրենց համադրություններն ունեն Հայաստանի՝ մ. թ. ա. X—IX դարերով թվագրվող հնավայրերից հայտնի նյութական մշակույթի նմուշների հետ:

Վերջերս Մարդակերտի շրջանի ներքին Հոռաթաղ գյուղի հյուսիս-արևմտյան մասում գրտնվող «Պտաշանց կալ» տեղամասում ջրավազանի շուրջը փորելիս բացվել են մի քանի քարարկղեր և հողափոր դամբարաններ: Տեղանքի ուսումնասիրությունը ցույց տվեց, որ բացված գերեզմանները նույն տեղամասում գտնվող դամբարանադաշտի շարունակությունն են կազմում: «Պտաշանց կալի» կենտրոնական մասում բացեցինք մի դամբարան, որի մեջ ամփոփված էր մեջքի վրա պառկած երկու կմախք: Կմախքների դանդերը դասավորված էին հակադիր դիրքով՝ մեկի գլուխը դարձված էր դեպի հարավ-արևելք, իսկ մյուսինը՝ հյուսիս-արևմուտք: Հայտնաբերվեցին տարբեր տեսակի շորս կավանոթներ, բրոնզե եռաթև նետասլաքներ, կոճակներ, մասանի, կախիկներ, թռչունի եռաձանկ ոտքի և կիւաուսնաձև ու բանալու տեսքով երկու ալ աւարկաւէր, քարե սրոց, ոսկրից, ապակուց և պատմայից պատրաստված ուլունքներ (աղ. II): Դամբարանից հայտնաբերված կավանոթների մեջ իր կառուցվածքով աչքի է ընկնում հարթ հատակով միականթ սափորը, որի մակերեսը նախշված է կորագիծ քանդակներով (աղ. II, նկ. 14), կանթը ունի ոլորուն նախշեր: Մյուսը կարմիր լաքով ներկված երկանթանի անդարդ կավանոթ է (աղ. II, նկ. 4), երրորդը գորշ գույնի միականթ փոքրիկ գավ է, վերևից ներքև իջնող կորագիծ զուգահեռ զարդաքանդակներով (աղ. II, նկ. 3): Հաջորդը կավե փոքրիկ աղաման է, սև թրծվածքով (աղ. II, նկ. 2): Այդպիսի կավանոթներ հայտնի են ինչպես Ղարաբաղից, այնպես էլ նոյեմբերյանի շրջանի Ջուլեանի դամբարանադաշտից¹³, Կի-

11 А. А. Мартиросян, Армения в эпоху бронзы и раннего железа. Ереван, 1964, էջ 118:

12 Д. А. Халилов, Археологические памятники западного Азербайджана в эпоху бронзы и начала железного века. Баку, 1959, էջ 97, աղ. XI, 5, 7, 8, 9 և աղ. XII, 12, 13, 18 (աղբեջաներեն):

13 Ս. Ս. Չիլինգարյան, Վաղ հայկական հուշարձանները Ջուլեանի դամբարանադաշտում, «Լրաբեր», 1971, № 2, էջ 72:

ըովականի շրջանի Մակարաշենից¹⁴, Աստղի բլրից և այլ տեղերից:

Հետաքրքիր են բրոնզե նետասլաքները, որոնց չափերը հասնում են 1—4 սմ: Դրանք եռաթև են, հետին մասում ունեն անցք՝ փայտյա ձողիկին ամրացնելու համար (աղ. II, նկ. 13): Ի դեպ, նետասլաքներից մի քանիսի անցքի մեջ պահպանվել են փայտյա ձողիկի մնացորդները: Դրանցից մի քանիսը վերին մասում ունեն ելուստ: Գերեզմանում գտնվել է 26 նետասլաք: Դրանք իրենց ձևով պատկանում են սկյութական նետասլաքների խմբին և լավ հայտնի են Կարմիր բլուրի, էրեբունիի, Մակարաշենի¹⁵, Շամխորի¹⁶, Գետաբեկի և այլ հնավայրերից, որոնք թվագրվում են մ. թ. ա. VII—VI դարերով: Իր կառուցվածքով առանձնահատուկ ուշադրության է արժանի թուլունի թաթի ձևով բրոնզից պատրաստված կախիկը, որի երկարությունը 6 սմ է (աղ. II, նկ. 7): Այդպիսի նմուշ 1896 թ. հայտնաբերել է նաև Ա. Ա. Իվանովսկին¹⁷, Կոճակները և աղեղնաձև ու բանասանձի մասեր են (աղ. II, նկ. 5, 6, 10): Քարե սրոցը, որի մի ծայրում կա անցք՝ գոտոց կախելու համար, ունի 7 սմ երկարություն և 2 սմ լայնություն (աղ. II, նկ. 8): Այդպիսի սրոցներ պատահում են Նոյեմբերյանի շրջանի լրճակաձորի, Ջուջևանի դամբարաններում¹⁸, Գորովինոյում¹⁹ և Շամխորում²⁰:

1969 թ. Դաշբուլաղ գյուղի «Տանձատափ» կոչվող տեղամասում նոր ֆերմայի համար տեղանքը հարթելու ժամանակ բացվեց մի հին դամբարան: Այստեղ հայտնաբերվել են բրոնզե ճարմանդ, գավազանի զլուխ, ապարանջաններ, ունելի, մատանի, եռանկյունաձև նախշերով կախիկներ, մեդալիոն, վարսակալներ, նախշերով զլանաձև իր, ուլունքներ և երկաթե դեմքեր (աղ. III): Բրոնզե ճարմանդը վահանաձև է, ներսից՝ զոգավոր, դրսից՝ ուռուցիկ: Արտաքին կողմի

վրա ունի ուղղահայաց և հորիզոնական կիսաշրջանաձև զծիկավոր ու հասկանման նախշազարդեր, իսկ կենտրոնական և կողմնային շրջագծերը փորագրված են ոլորապտույտ նախշով: Կենտրոնում շրջանաձև անցքով վահանիկների տրամագիծը 8 սմ է: Նրանք իրար են միացվել հանգույցներով: Մեկի ծայրին ամրացված է եղել երկաթե օղակաձև օղ, իսկ մյուսի՝ ակնոցավոր օձի գլխի պատկերով մի կեռ: Ծարմանդի վահանիկները նեղ ձուլածո պարանոցով միացած են հարթ թիակներին, որոնք կենտրոնում ունեն անցք՝ զամելու համար (աղ. III, նկ. 1): Ծարմանդի հետ գտնվել են բրգանման, ատամնավոր բրոնզե թիթեղներ և կոճակներ, որոնք երևի զամերով ամրացված են եղել գոտու ժապավենի վրա (աղ. III, նկ. 2): Տանձատափի դամբարանից հայտնաբերված ճարմանդը հնարավորություն է տալիս մոտավոր պատկերացում կազմելու ամբողջական պատկերացվածքի մասին: Թերևս այն եղել է կաշվից, որի ծայրերը իրար են միացել բրոնզե ճարմանդով: Իր հորինվածքով այն պատկանում է Ղարաբաղում հայտնի, երկրաչափական բնույթի փորաքանդակներ ունեցող բրոնզե գոտիների խմբին, որոնց դասակարգումը տվել է մարդաբան Ռուդոլֆ Վերխովը²¹: Անցյալ դարի 90-ական թթ. Գետաբեկի № 36 քարարկղային դամբարանից Ա. Ա. Իվանովսկին²² հայտնաբերել է այս տիպի գոտի, որը վերագրվում է մ. թ. ա. VII—VI դարերին: Բրոնզե գավազանի գլխիկը կոնաձև «հրթիռանման» է, ծայրը՝ սուր: Այն կենտրոնական մասում հակադիր կողմերի վրա ունի երկու կիսաշրջանաձև և երկու եռանկյունաձև սրածայր ելուստներ, իսկ կոթառի մասը զլանաձև է և ունի զամելու համար անցք: Նրա երկարությունը հավասար է 15 սմ (աղ. III, նկ. 8):

Ուշ բրոնզեդարյան դամբարաններում հանդիպում են մեծ քանակությամբ խոդովակաձև ցլազլուխ գավազանի գլխիկները, որոնցից տարբերվում է մեր նշված գավազանի զլուխը: Դրանց մի քանի այլ նմուշներ պահվում են Ղարաբաղի պատմա-երկրագիտական թանգարանում՝ գտնված 1938 թ. Կրկմանից²³: Կախիկները, որոնցից գտնվել է 6 հատ, սնամեջ են, քառակող, դրանց կողմնային հարթությունների վրա կան եռանկյունի փորվածքներ (աղ. III, նկ. 3): Բավականին լավ է պահպանվել բրոնզե ունելին, որն ունի 10 սմ երկարություն (աղ.

¹⁴ А. А. Мартиросян, *նշվ. աշխ.*, էջ 287:

¹⁵ Նույն տեղում, աղ. XXX, նկ. 20:

¹⁶ Д. А. Халилов, *նշվ. աշխ.*, էջ 97, աղ. XIX, նկ. 4, 5:

¹⁷ А. А. Ивановский, *նշվ. աշխ.*, էջ 184, աղ. XVI:

¹⁸ Նույն տեղում:

¹⁹ Հ. Մ ն ա ց ա կ ա ն յ ա ն, Դամբարանների պեղումները Երևանում: «Աշխատություններ» Հայաստանի պետական պատմության թանգարանի, Երևան, 1959, № 5, էջ 18:

²⁰ Д. А. Халилов, *նշվ. աշխ.*, էջ 75, աղ. XIII, նկ. 8:

²¹ Բ. Վ Ի ր խ ո վ, Կովկասի տեղը քաղաքակրթության մեջ, «Աղագրական հանդես», 1895:

²² А. А. Ивановский, *նշվ. աշխ.*:

²³ Я. И. Гуммель, Раскопки в ИКАО в 1938 г., էջ 78, աղ. II, նկ. 5, 6, 7:

III. նկ. 9): Ոսկրից պատրաստված առարկանների մեջ ուշագրավ է վարազի ժանիքը, որի էմալի շերտը պահպանվել է ամբողջությամբ (աղ. III, նկ. 10): Նրա մի ծայրը հղկված է, իսկ մյուս ծայրին հագցված է բրոնզե ժապավեն, որն ամրացրած է գամով: Հավանաբար, ատամը ունեցել է պաշտամունքային նշանակություն: Դամբարանում ամփոփված են եղել մեծ թվով սև գույնի կավանոթներ, որոնցից միայն մեկն է մնացել ամբողջական: Գավը միականթ է, անզարդ, նրա նմանակները պատահում են Մակարաշենի²⁴ դամբարաններում (աղ. III, նկ. 14):

Բրոնզե այս իրերի հարևանությամբ գտնվել են նաև երկաթե դաշույններ (աղ. III, նկ. 13) և նիզակներ (աղ. III, նկ. 12), որպիսիք հայտնի են Գետաբեկի²⁵, Մակարաշենի²⁶ և այլ դամբարաններից:

«Ճանձատափից» գտնված նյութերը թվագրվում են վաղ հայկական ժամանակաշրջանով, այսինքն՝ մ. թ. ա. VI—V դարերով:

Ղարաբաղում հնավայրերով հարուստ տեղամասերից մեկն էլ Հաղրութի շրջանի Իշխանագետի հովիտն է: Գետի աջ և ձախ կողմերի բլրալանջերին ու հանդամասերում առկա են բազմապիսի դամբարաններ, որոնք հնագիտական բավական հարուստ նյութ են պարունակում: Դրանցից է Ազոխի հայտնի քարայրից դեպի հյուսիս-արևմուտք ընկած «Դյունե արտ» տեղամասի հնավայրը: Այստեղ բլրալանջի երկարությամբ, թփերի արանքում դասավորված են մի շարք ցածրադիր դամբարանաթմբեր: Բացվել է մեկ դամբարան, որից հանվել են բրոնզե և երկաթե իրեր: Գտնվել են բրոնզե ապարանջաններ, կախիկներ, ղանգակ, վզնոց, դուր, ժապավենի ջարդոն, քարե սանդակոթ, սարդիոնի ուլունքներ, երկաթե դանակ, նիզակ, մանգաղ, սև և դորշ գույնի կավանոթների բեկորներ (աղ. IV):

Հետաքրքիր նմուշ է քառասուն կախիկը: Նրա ատամներից երկուսը երկսայրի են, իսկ երկուսը՝ միսսայր, կամ սղոցի ատամներ են հիշեցնում: Ստորին մասում լայն է և զնալով դեպի վերին ծայրը բարակում է ու կազմում ուղղանկյունաձև հարթություն, որի կենտրոնում կա անցք՝ կախելու համար: Երկարությունը 9 սմ է (աղ. IV, նկ. 3): Սա ավելի վարպետորեն է պատրաստված, քան Ա. Ա. Իվանովսկու կողմից Ղա-

րաբաղում հայտնաբերվածը²⁷: Մյուս կախիկը (աղ. IV, նկ. 4) շրջանաձև հարթակի վրա ունի անցք, իսկ ստորին մասը կեռ է: Բրոնզե դուրը քառակող է, մի ծայրից սուր, մյուսը՝ զլանաձև անցքով (աղ. IV, նկ. 9): Հավանաբար այն ունեցել է փայտյա կոթառ և օգտագործվել է ծակելու, փորելու, հղկելու համար: Նրա երկարությունը 9 սմ է, սայրի լայնությունը՝ 1 սմ: Մանգաղը կորած է և իր ձևով շատ քիչ է տարբերվում մեր ժամանակի մանգաղից (աղ. IV, նկ. 11):

«Դյունե արտից» հայտնաբերված առարկաները պատկանում են մ. թ. ա., VII—VI դարերին:

Ղարաբաղում քարարկղային և դամբարանաբլուրային թաղումների կողքին հանդիպում են նաև կարասային թաղման ձևեր: Դրանք տարածված են ինչպես հարթավայրային, այնպես էլ նախալեռնային և լեռնային շրջաններում: Կարասային թաղումներ հարթավայրային Ղարաբաղում հայտնաբերել է սրբոֆեսոր Ի. Ի. Մեշչանինովը²⁸, իսկ Ստեփանակերտում՝ Յա. Ի. Հումելը²⁹: Բացի նշվածներից այդպիսի թաղումներ են հայտնաբերվել Խոջավից, Մեհմանայից և ավելի շատ՝ Ստեփանակերտից ու Դաշբուլաղ գյուղի շրջապատից:

1967 թ. Ստեփանակերտի հարավ-արևմտյան մասում հայտնաբերվել է մի կարասային թաղում: Կարասի մեջ ամփոփված դիակի կողքին գտնվել է կավե ուլունք, որի տրամագիծը 2 սմ է, հաստությունը՝ 0,5 սմ և կենտրոնում ունի անցք: Մեզ հաջողվեց այստեղ բացել ևս 8 կարասային թաղումներ: Դրանք դասավորված են զուգահեռ. 1—2 մետր հեռավորությամբ: Նրնջեցյալը պառկեցված է կողքի վրա, կարասը թեքված է դեպի հարավ-արևելք, իսկ նրա բերանը դարձրած է հյուսիս-արևելք: Կարասը փակված է մեկ կամ երկու կոպիտ քարերով: Կարասները տարբեր տրամաչափի են: Երկու կարասներում ամփոփված է երեխայի աճյուն, որի կողքին գտնվել են մանր գունեղ քարերից, ապակույց և պաստայից պատրաստված ուլունքներ: Կարասներից մեկում ամփոփված էր տղամարդու աճյուն, որի մոտ գտնվել են տարբեր տրամաչափի հինգ մատանիներ, երկաթե երկսայր թրի բեկոր, որի կոթառամասին հագցրած է եղել փայտյա բռնակ, իսկ վերջինիս վրա՝ գամերով ամրացված բրոնզե նախազարդ թիթեղ:

²⁴ А. А. Мартиросян, *նշվ. աշխ.*, էջ 287, աղ. XXX, նկ. 5:

²⁵ Д. А. Халилов, *նշվ. աշխ.*, էջ 107, աղ. XXII, նկ. 4:

²⁶ А. А. Мартиросян, *նշվ. աշխ.*, էջ 287, աղ. XXX, նկ. 4:

²⁷ А. А. Ивановский, *նշվ. աշխ.*, էջ 88, աղ. IV, նկ. 10:

²⁸ Խ. Սամուելյան, Հին Հայաստանի կուլտուրան, հատ. 2, Երևան, 1941, էջ 35:

²⁹ Я. И. Гуммель, Отчет обкома КП НКАО, 1941 г., գ. № 5, էջ 9:

Քրի պահպանված մասի երկարությունը 40 սմ է, լայնությունը՝ 5 սմ: Հայտնաբերվել են նաև երկաթե միասայր դանակներ և գործվածքի մի պատառիկ, որը կարասի մեջ մուգ կանաչ գույնի էր, իսկ հանելուց սկսեց գունազրկվել և մոխրանալ. այնուամենայնիվ, մեզ հաջողվեց պահպանել այն: Կարասներից երրորդում պարզորոշ նկատվեց, որ աճյունն ամփոփված է եղել նրստեցրած դիրքով: Նրա ձախ կողմում, ոտքերի

մոտ դրված էր մեկ երկկանթ կճուճ և փոքրիկ թաս: Կթիչ: գորշագույն է, անզարդ, բարձրությունը հավասար է 30 սմ-ի: Մյուս կարասները ջարդված էին, դրանց մեջ հայտնաբերվեցին փոքրիկ կավանոթների բեկորներ և մարդկային կմախքի ոսկորներ: Հայտնաբերված միկարասյան թաղումը վերաբերում է մ. թ. ա. V—III դարերին:

ՅՈՒ. ԱՍՐՅԱՆ (Ստեփանակերտ)

ՀԱՅԿԱԿԱՆ ԱՐՁԱՆԱԳՐՈՒԹՅՈՒՆՆԵՐ ԱՂԲՅՈՒՐՆԵՐՈՒ ՎՐԱ ԲՈՒՂԱՐԻԱՅՈՒՄ

Քրքական տիրապետության շրջանին Պուլ-կարիո մեջ գոյություն ունեին բազմաթիվ հայ գաղութներ: Անոնցմե հասած են մինչև այսօր կարգ մը դրավոր հիշատակարաններ, որոնք կուտան հետաքրքրական տեղեկություններ պուլ-կարահայ անցյալի մասին և մասնավորապես լույս կսփռեն անոնց նյութական մշակույթի վրա այս շրջանին ընթացքին:

Հետաքրքրական են մի քանի մարմարյա սալեր՝ զետեղված ժամանակին աղբյուրներու վրա հայկական արձանագրություններով: Անոնցմե շորսը երկկողման են՝ հայերեն և թուրքերեն, այլ մեկը միայն՝ հայերեն:

1. Մարմարյա սալ հայ-թրքական արձանագրությունով 1740-են, Վանային:

Սալը առնված է իբրև ավար ոռոտական բանակին 1828—1829 թթ. ուս-թրքական պատերազմի ընթացքին, Վանայի բերթին գրավումեն հետո: Նախ սալը կգտնվեր ուս գորավար Պ. Ա. Գոզենի քով, բայց հետո փոխադրված է Պետերբուրգի Տավրիկյան պալատը: 1850-ին կայսրը Նիկոլայ I-ի հրամանով նարտարապետ Մոնիկենի սկսած է կառուցանել բաղնիք մը Պուլ-կին քաղաքի նկատերինյան պարտեզի մեջ: Մահմետական մրդկիթի նմանության պատճառով զայն անվանած են «թրքական բաղնիք»: Անոր վրա զետեղված են մի քանի թրքական արձանագրություններ, որոնց միջև և Վանայի սալը: Հայրենական պատերազմի ընթացքին (1941—1945) շինությունը վնասված է, բայց Վանայի արձանագրությունը պահպանված է:

Քրքական արձանագրությունը, որ կզանազանվի իր բանաստեղծական պարունակությամբ, հետևյալն է.

«Ազունսղլուն իր ջանքերով աղբյուրը այստեղ

հոսեցուց: Ով որ բարիք կգործե իր առատաձեռնությամբ թող արժանի ըլլա քաղության և գթության: Անոր աղբյուրը թող ճշմարիտ հավատ ստեղծե, անոր ամեն մեկ ծորակը գթության աղբյուր ըլլա, հագեցնելով ծարավները: Խանելով երեք ըսինք տարին: Խմենք որովհետև դրախտի ջուր հոսիլ է: 1153»²:

Վերջնիկը տողը կներկայացնե ժամանակագրություն մը, այսինքն տառերու թվական նշանակությունն երեք պակսեցնելով կհավասարի աղբյուրի կառուցման թվականին, որ է 1153 (1740)³:

Քրքական արձանագրության տակ կգտնվի երեքտողեա հայկական արձանագրություն մը.

«Յիշատակ է ախրուրս արեւելցի մահտեսի Նազարին

Թվի [ի] ն ՌՃԶԹ՝ օրոստ [ո] սի Ի-ին»:

Կապիտուլներ. ա-կ, մ-ա՝ առաջին տող, ա-բ, ե-ւ, ի-ն՝ երկրորդ տող, թ-վ, ս-ի, ի-ն՝ երրորդ տող:

Արձանագրությունը հավանաբար կգտնվի եղբր Վանա քաղաքին մեջ գտնվող աղբյուրի մը վրա, որ շինված է եղբր քաղաքին մեջ բրնակող հայազգի մահտեսի Ղազար Ուզունսղլունի:

2. Վելիբի Բրեսյավի թանգարանի պահույնին մեջ կգտնվի հայերեն և թուրքերեն արձանագրությամբ մարմարյա սալ մը: Ունի

² А. Векилов, *նշվ. աշխ.*, էջ 73—74.

³ Նույն տեղում, էջ 74:

⁴ Ա. Վելիբի (հիշ. հոդվ., էջ 75) կկարծե, որ աղբյուրը շինուած է Ուզունսղլուի նյութական միջոցներով և թի մահտեսի Նազարը միայն աղբյուրի կառուցանող վարպետն է: Մենք կկարծենք, որ Ուզունսղլուն և մահտեսի Նազարը միևնույն անձն են, այսինքն Ուզունսղլու՝ մահտեսի Նազարին մականունն է:

¹ Տե՛ս А. П. Векилов, О турецких эпиграфических памятниках в городе Пушкине, «Эпиграфика востока», XIII, 1960, էջ 71—75: